



SAKSFRAMLEGG

--	--	--

Sakshandsamar:	Arkiv:	ArkivsakID
Atle Fasteland		23/743

EKSTRA LØYVING VAKSDAL NÆRINGSSKAP (VNS)

Kommunedirektøren sitt framlegg til vedtak:

Vaksdal næringssselskap vert løyvd ekstra midlar med ein million for 2023. Midlane vert å ta frå bruk av fond og følgjande budsjettjustering vert vedteke:

D 14700.7000.3250

K19400.7000.3250

Fond: 256080000

Sum: 1 mill

Bakgrunn for saka

Det har i dei siste åra vore noko uro i, og rundt, Vaksdal næringssselskap. Det er no tilsett ny dagleg leiar som startar i august 2023. Selskapet er revitalisert med tydeleg struktur omkring organisering og samhandling ut mot næringsdrivande , næringsutvikling og Vaksdal kommune i heilskap.

Saksutgreiing

Vaksdal Næringssselskap fekk i ein årrekke 1 mill frå Vaksdal kommune i årleg tilskot til drifta. I 2021 blei denne auka til 1,25 mill, i 2022 blei den endra til 1 mill igjen og i budsjett for 2023 er den auka til 2 mill. Det er behov for ytterlegare overføring til selskapet i 2023 og som ein eingongsauke blir det foreslått å auke overføringa med ytterlegare 1 mill. Selskapet vil då totalt ha fått overført 3 mill i 2023.

Kommunedirektøren ser at etter ein uroleg periode, med relativt lite aktivitet, treng ei auke i dei finansielle musklane til VNS for å møte oppgåvene som selskapet står ovanfor resten av året 2023. Etter kommunedirektøren si vurdering vert det i åra frametter stilt høge forventningar til næringsarbeidet. Krava, og forhåpningane, til selskapet om å skape rammer for positiv næringsutvikling og vekst i åra framover er høge. K5 vil gje kommunen moglegheit til utvikling i både folketal, aktivitet og formålsretta næringsarbeid

Denne saka handlar om å revitalisere Vaksdal Næringssselskap, og få selskapet opp å gå igjen etter ein lengre periode med mindre aktivitet. Selskapet må igjen kome i tett kontakt med lokale næringsaktørar, Vaksdal næringsråd og næringsinteressene generelt i Vaksdal kommune. Vidare må lokale grunderne ha ein stad og vende seg for råd og rettleiing. Selskapet må gjere seg kjent med naturlege samarbeidspartnarar lokalt, i Bergensregionen og Nordhordland, til dømes InvestInBergen, Industriutvikling Vest, Voss næringshage, Osterøy utvikling.

Slik relasjonsbygging og marknadsføring tek tid og er krevjande. I ein slik prosess må ny daglege leiar ha finansielle midlar til å handle raskt, med eit overordna mål om igjen skape aktivitet i det lokale næringsutviklingsarbeidet.

Her vil både styret i Vaksdal næringsselskap og dagleg leiar, ha viktige roller, men for at ein skal lukkast må og selskapet ha ein trygg finansiell grunnmur.